

## ՆՈՐ ԶՈՒՂԱՅԻ ԱՐՇԵՍՏՆԵՐԸ

Նոր Զուղայի քաղաքական, հասարակական ու մշակութային կյանքը բազմաթիվ ուսումնասիրությունների առարկա է դարձել: Այն քննարկվել է հայ-ռուսական, ռուս-իրանական կամ հայ-իրանական հարաբերությունների, առևտրական առնչությունների, մշակութի զարգացման և այլ տեսանկյուններից: Տեղի արհեստներին այս աշխատություններում անդրադարձել են այնքանով, որքանով դրանք անհրաժեշտ են եղել հարցադրումների բացահայտմանը: Այնինչ, արհեստագործությունը Նոր Զուղայի կյանքի ամենակարևոր բնագավառներից էր, որը հետաքրքիր է ոչ միայն իր բազմազանությամբ և ինքնատիպությամբ, այլև՝ արտադրանքի որոշակի իրերի համաշխարհային շուկայում ունեցած դերով:

XVII դ. առաջին տարիներին Սպահանի արվարձան դարձած Նոր Զուղայի բնակչությունը արտակարգ կենսունակությամբ սկսեց վերականգնել հին Զուղայից ժառանգած իր կենցաղը, այն հարմարեցնելով հասարակական-քաղաքական կյանքի նոր պայմաններին: Մի քանի տարիների ընթացքում Նոր Զուղայում կառուցվեցին ապարանքներ, տներ, եկեղեցիներ: Ըստ գաղթած վայրերի Նոր Զուղան բաժանվեց թաղամասերի. ջուղայեցիների, թավրիզեցիների, երեանցիների և այլն: Յուրաքանչյուր թաղամաս ուներ իր սոցիալական, ինչպես նաև կրոնական (լուսավորչական և կաթոլիկ) բաժանումները: Գինեվաճառներն ապրում էին Փոքր Մեյդան թաղում (կամ «Ղտրագեալ»), որի կենտրոնական փողոցն էլ կոչվում էր Շիրախանե: Թավրիզեցիների թաղամասում ապրում էին ցորենավաճառները, կտավագործները, ոստայնակներն ու հյուսները: Բրուտագործները կենտրոնացված էին Հակոբջանեց կամ «պրուտենց» թաղում: Քոչերն թաղում (սանգթրաշ—քարտաշ) ապրում էին քարհատները: Թավրիզեցիների և Զարսուն թա-

զամասերում բաղնիքներ կային: 1654—55 թթ. շահ Աբբաս II-ը Սպահանից Նոր Զուղա արտաքսեց Երևանից գաղթած բնակչությանը, որն իր թաղամասը ստեղծեց: Այստեղ ութ բաղնիք կար<sup>1</sup>:

Նոր Զուղայի արհեստավորները խմբավորված չէին ընկերություններում կամ համքարություններում, ինչպես դա ընդունված էր հայկական այլ քաղաքներում կամ ավաններում: Նորջուղայեցիների համար օրինակ կարող էին ծառայել նաև վաղ ժագում ունեցող իրանական էսնաֆությունները, որոնց կանոնադրության մեջ կարևոր տեղ էր տրվում անդամագրվողների կրոնական պատկանելիությանը<sup>2</sup>:

Հեռու հարազատ վայրերից, հոգևոր կենտրոնից, օտարության մեջ, մահմեդականությանը ենթարկվելու ամենօրյա վտանգը զգացող, սեֆյան տիրակալների քմահաճույքին ենթակա նորջուղայեցիներն իրենց քայանթարներն ունեին, որոնք ղեկավարում էին կղզիացած համայնքը և միջնորդ հանգիստանում համայնքի և Իրանի արքունիքի միջև: Գաղթօջախի արհեստավորությունն ինքնին մի մեծ ընկերություն կամ էսնաֆություն էր: Ինքնապաշտպանությունը համախմբում էր նորջուղայեցիներին: «Բազումք 'ի գաղթականաց անտի գալով արհեստատրք իւրաքանչիւրոք վաստակօք արհեստին իւրոյ գտաներ զապրուստ» — գրում է Հ. Տեր-Հովհաննեսը<sup>3</sup>:

Նոր Զուղայի արհեստների մասին ունեցած մեր տվյալները շատ սուղ են: Գաղթավայրի պատմության հեղինակ Հ. Տեր-Հովհաննեսն իր աշխատության երկրորդ հատորի վերջում հիշատակում է մի շարք արհեստների անուններ. հացթուփ, ներկարար, շարվադար (քարավանապետ), դերձակ, ոսկերիչ, ոստայնակ, հյուսն, փերեզակ (մանրավաճառ), դարբին, որմնադիր, սափրիչ, կոշկակար, համետակար, նպարավաճառ, մսավաճառ, ցորենավաճառ և գուլպայավաճառ: Նա հիշատակում է նաև 140 տուն տնայնագործ-գուլպայագործների մասին (հիմնականում կանայք), որոնք տարին 25.000—30.000 ղուլզ գուլպա էին գործում արտահանման համար<sup>4</sup>: Նույն տեղում նա նշում է, որ Նոր Զուղան տարին 130—140 հազար (երեկ՝ արշին) կտավ էր արտահանում:

Նոր Զուղայի Ամենափրկիչ վանքի Մատենադարանում պահպանվել է հայերեն և անգլերեն շարադրված անավարտ մի ձեռագիր, որը պարունակում է ոմն Ֆրանչեսկոյի հարցազրույցը Մսրդամում (Ամասերդամ) վաճառական խոջա Սաֆարի հետ<sup>5</sup>: Նույն այս երկխոսությունը, որոշ ճշտումներով տպագրվել է «Արամեան լեզուին գանձ» գրքույկում<sup>6</sup>:

Այն հարցին, թե «Ի՞նչ գլխավոր սանիաթ (արհեստ—Ս. Ս.) կա



Հայոց մեջ իմա՝ Նոր Զուղայում, խոջա Սաֆարը պատասխանում է. «Ամենայն հասարակ սանիաթ մեր ազգին մեջ կայ. ինչպես ասենք դերձիք, գթակակար, բարուկար, գալլաք, խառատ, դուրգար, որմնադիր, ոսկերիչ, դարբին, ջուհակ, գրագիր, կազմարար, ծաղկարար, ներկարար, մագաղաթագործ, ապրշմագործ, զառբաֆ (ոսկեկար անող), նաղդաքու (պաստառագործ), սահաթսաղ, տպագիր, բասմաչի (կաղապարագործ), և այլ բազումս: Այստեղ թվարկված շատ արհեստներ ոչ միայն հնագույն ժագում ունեն, այլև մասնագիտականացման որոշակի ավանդներ, որոնք ձևավորվել և կազմավորվել են միջնադարում»:

Նոր Զուղան ուներ նաև իր մտավորականութունը. պատմիչ, աշուղ, ուսուցիչ, գրիչ, ծաղկող, նկարիչ, մանրանկարիչ, թարգմանիչ և այլն: Օրինակ. անգլերենի թարգմանիչ էր աղա Դավիթը, գաղթավայրում շատ հարգված մի անձնավորություն, որին հետագայում թաղեցին սբ. Մինաս եկեղեցու խորանի մոտ: Նշանավոր էին տղմաշները՝ թարգմանիչները, որոնք գիտեին նաև ռուսերեն ու աշխատանքի էին անցնում Մոսկվայի Կրեմլի Դիվանագիտական ատյանում (Թավաքալով եղբայրները, Գ. Լուկիովը, Ռոմադամսկին և այլք): Նոր Զուղայում ձեռագրեր էին ծաղկում, որը բազմաթիվ արհեստների գիտակ անձնավորությունների կարիք ուներ: Ժամանակի նշանավոր մանրանկարիչներից էին հաշատուր Զուղայեցին, Մեսրոպ և հաշատուր հիդանցիները, Ստեփանոս Զուղայեցին, Հայրապետը և այլք:

Մի քանի արհեստավորների անուններ են պահպանվել. Հովհաննես Քարտաշը, կոշկակար Վարդանը, խառատներ Մարգարն ու Սահակը, ջուհակներ Ավետն ու Փանոսը, փինաչիներ Զաքարիան ու Նիկողայոսը, դաբաղ Մարգարը, ոսկերիչներ Աբգարը, հաչիկը, Փանոսը, սազանդարներ Ավետն ու հաչիկը:

Հայ ժողովրդի պատմության մեջ է մտել դերձակ Թումիկի (Թոմասի) անունը:

Հաշատուր Կեսարացու Նոր Զուղայի առաջնորդ դառնալուց (1620 թ.) մի փոքր անց, տեղի են ունենում մի խումբ արհեստավորների աղանդավորական ելույթները: Դա հիմնականում հակալուսավորչական երևույթ էր, բայց ուներ նաև որոշակի սոցիալական դիրքավորում: Աղանդավորականները ժխտում էին Քրիստոսի աստվածային ծագումը, նրա կյանքին առնչվող երևույթները. Հարությունը, Ահեղ Դատաստանը: Չէին ընդունում նաև խաչը, պատարագը, հաղորդությունը, լուսավորչական եկեղեցու յոթ խորհուրդները և այլն: Հոգևոր առաջնորդներին, վարդապետներին, քահանաներին և եկեղե-

ցական այլ պաշտոնյաների նրանք խաբեբա էին անվանում: Այնքան նշանակալից է դառնում այս աղանդի դերը հասարակական կյանքում, որ հաշատուր Կեսարացին ստիպված է լինում 1642 թ. հատուկ Սինոդ հրավիրել և աղանդի ղեկավար դերձակ Թումիկին խիստ դատապարտել: Թումիկի գաղափարակիցն էր նաև Սև Պետրոսը: Հավանաբար հենց այս աղանդի ուսմունքի դեմ էր ուղղված Նոր Զուղայի Ամենափրկիչ վանքի Հովսեփ Հարեմաթացու եկեղեցու նկարազարդումներում լուսավորչական եկեղեցու յոթ խորհուրդները պատկերող նկարների ընդգրկումը<sup>10</sup>:

Այս սուղ տեղեկություններին օգնության են գալիս նյութական մշակույթի բազմաթիվ օրինակներ, որոնք հնարավոր են դարձնում որոշակի պատկերացումներ ունենալ Նոր Զուղայի արհեստների վերաբերյալ:

Նոր Զուղան ուներ վանք, 24 եկեղեցի, ապարանքներ, արևելյան շինարարությանը բնորոշ տներ (դրսից հարթ ու սվաղված պատեր, ներսում բակ, ղեպի որը դուրս էին գալիս պատշգամբները, սենյակների դռներն ու լուսամուտները): Բակը փողոցի հետ էր կապվում կամարածև միջանցքով և փայտյա դարպասով:

Նոր Զուղայում զարգացած էր քարգործությունը: Տեղում քարհանքեր չկային: Քարը բերվում էր բավական հեռու գտնվող լեռներից: Քարը տաշվում էր հմուտ վարպետների կողմից: Քարից նորոգողայեցի վարպետները կամուրջներ են կառուցել Զայանդեռուդ գետի վրա՝ շահի հանգստյան փոքր սենյակներով (Ալավերդի խանի կամուրջը), կառուցել են եկեղեցիներ: Քաղաքը հատուկ ճարտարապետ ուներ, որի օրավարձը 6 շահի էր<sup>11</sup>: Քարից պատրաստում էին եկեղեցիների պատերի մեջ ագուցվող խաչքարեր կամ նվիրատվական սալիկներ, որոնք պարզ ձև ունեին և կրում էին իրանական արվեստի որոշակի ազդեցությունը. սլաքածև վերին մաս, պարզ ծաղիկներ և այլն: Այդպիսիները պահպանվել են սբ. Հովհաննեսի եկեղեցում (1610—1648 թթ. պատրաստված), ավելի պարզ օրինակները սբ. Գևորգ եկեղեցու ավագ խորանի ճակատային մասում (1610 թ.): Միաժամանակ, շարունակելով հայկական միջնադարյան մշակույթում կարևորագույն բնագավառ կազմող խաչքարերի արվեստը, վարպետները ստեղծում են նոր կոմպոզիցիաներ, որոնք իրենց ղեկորով բոլորովին այլ ոճական խումբ են կազմում: Հին Զուղայի խաչքարերի օրինակներով ստեղծված փոքրաչափ նմուշները այդ արվեստի վերջին արձագանքներն են:



Նորընդայնցիները քարից, բազալտից շիրմաքարեր էին պատ-  
րաստում, որոնք պատմա-մշակութային ուսումնասիրության հարուստ  
նյութ են ներկայացնում: Ի տարբերություն հին Ջուղայի, ինքնուրու-  
նույն ված էր խաչքարն ու խոյատիպ քանդակը, այստեղ պատրաստում  
են ոչ այնքան բարձր, երկարուկ քառանկյունիներ, որոնց վրա ամ-  
րացվում են առանձին մշակված նեղ սալաքարեր: Սալաքարերի հար-  
դարանքի, նրա ձևավորման մեջ հատկապես հանդես է դալիս քարը  
մշակող և ձևավորող վարպետների գեղարվեստական ճաշակը: Տա-  
պանաքարերի շրջերիզի մեջ հաճախ արձանագրություններ են տեղա-  
վորում, իսկ ողջ տարածքի վրա փոխադրում են հիմնական կոմպո-  
զիցիան: Այն մեծ մասամբ թելադրված էր հանգուցյալի մասնագիտու-  
թյունից: Շիրմաքարի կենտրոնում նրա կանգնած կամ նստած ֆի-  
զուրն է, որի հագուստն ու առանձին մանրամասները պատմում են»  
նրա կյանքի մասին: Ընտիր փորագրություններ ունեցող շիրմաքա-  
րերից են «սաղանդար Մատուրը», «սահաթսազ Սահակը», «բրուտա-  
գործ Գալուստը», «ասեղնագործուհին», «գորգագործուհին», «ղարբինը»,  
«ակնոց պատրաստողը» և այլն<sup>12</sup>:

XVII դ: վերջում, երբ Նոր Ջուղայում, ինչպես նաև Մպահանում,  
որտեղ նույնպես հայ քարտաշներ ու որմնադիրներ էին աշխատում,  
դադարեցրին քարե կառույցների շինարարությունը, հայ արհեստա-  
վորները գաղթում կամ պանդխտություն էին գնում: Շահ Աբբաս II-ը  
ցանկանում էր կանխել այդ արտահոսքը և որոշակի արտոնություններ  
էր տալիս նրանց, որը սակայն արդյունավետ հետևանք չունեցավ:

Նոր Ջուղայի շենքերը հիմնականում աղյուսից էին պատրաստում,  
որը աղյուս՝ թրծողներ էր պահանջում: Աղյուսը թրծում էին քաղաքի  
շրջակայքում հսկայական պաշարներով կուտակված ընտիր կավից:  
Աղյուս շարողները հմուտ վարպետներ էին (օրինակ, Բեթղեհեմի ե-  
կեղեցու գմբեթը): Նրանք աղյուսից երկհարկանի տներ էին շարում,  
սենյակների ներսի պատերի մեջ սլաքաձև փորվածքներ էին անում,  
որոնք տարբեր նշանակումներ ունեին. պահարան, նկարի հարթություն  
և այլն: Ընդունելության սենյակների պատերի տարածքների որոշ  
հատվածներ կտրտում էին երաժշտական գործիքների ուրվագծերով:  
Դրանք խորություն ունեին, որոնց միջով անցնում էին երաժշտական  
հնչյունները և յուրօրինակ արձագանքով ետ վերադառնում: Միաժա-  
մանակ, այդ փորվածքները խախտում էին պատերի միօրինակ հա-  
թությունները: Այդպիսի փորվածքներով էին ձևավորված խոշա Սա-  
ֆարի, Տեր-Գրիգորի ապարանքները, ինչպես նաև այլ մասնավոր տներ

ու Սպահանի նշանավոր Ալի Ղափու պալատի երաժշտական դահլիճը<sup>13</sup>։ Ցուրաքանչյուր տունն ջրհոր ուներ, որը պատրաստում էին գործին հմուտ մարդիկ։ Տներն ունեին նաև իրենց սեփական հնձանները, կարասներն ու գինետները։ Ընդհանրապես, ամենամեծ հրաժեշտ արհեստներից էր բրուտագործությունը։ Բրուտագործական իրերի այնքան մեծ պահանջարկ կար, որ Նոր Զուղայում այդ արհեստավորների հատուկ թաղամաս գոյություն ուներ։ Սվաղողները պատի սվաղի վրա նկարչական ձևավորումներ էին անում։

Նոր Զուղայում զարգացած է եղել որմնանկարչությունը։ Վանքն ու եկեղեցիները նկարազարդվել են Հին և Նոր կտակարանի թեմաներով, որտեղ առաջնահերթ են եղել Քրիստոսի, Աստվածամոր, սրբերի, պատմական գործիչների կերպարները, տերունական սյուժեները, լուսավորչական եկեղեցու խորհուրդները և այլն։ Հրավիրվել են ինչպես եվրոպացի, նույնպես և տեղի նկարիչները։ Ամենափրկիչ վանքի նկարազարդումները հաշատուր Զուղայեցին որակում է որպես «յոյժ գեղեցիկ և Ամենաշքեղ յօրինուածովք, և ոսկեհամուկ և երփներանգ որակօք ի ներքուստ պճնազարդ տեսութեամբ գեղազարդեալ։ Այլ և՛ գեղեցկանկար և փառազարդ խորհրդական պատկերօք (զհինն ի նորս ածանցաբար բաղդատելով) ծագէ ի ծագ և համասփիւռ զարմազան և հրապաճոյճ գեղգեղեալ»<sup>14</sup>։

Նոր Զուղայի տաղանդավոր նկարիչներից էր Մինասը։ Նրա շնորհը փայլել է տարբեր բնագավառներում։ Հաստոցային նկարչություն, որմնանկարչություն, ձեռագրերի նկարազարդում։ Նա նկարել է թեմատիկ պատկերներ, դիմանկարներ, բնանկարներ՝ առաջացնելով ժամանակակիցների հիացմունքը։ Ապարանքների նկարազարդումներում նա ներմուծել է շքապատող իրականությունից վերցված տեսարաններ<sup>15</sup>։ Մինասը միաժամանակ ճհմուտ էր բժշկական արուեստի, մարդկանոց ներհակ կրից և հիւանդութեան և շորից տարերաց խառնուածոց, և դեղօրէից բնութեան և կազմելոյն ևս առաւել սպեղանեաց կազմելոյ և զվերս բժշկելոյ։ Եւ այլ ևս բազում և զանազան արուեստից հմուտ գոլով սորա»<sup>16</sup>։

Նույնպիսի բազմակողմանի ընդունակությունների տեր էր Հովհաննես Մրբուզը (1643—1715)։ Լինելով հմուտ դավանաբան, փիլիսոփա և թարգմանիչ, Հովհաննես Մրբուզը ոչ միայն ղեկավարել է Ամենափրկիչ վանքի նկարազարդումները, այլև զբաղվել է կոշկակարությամբ, շուկակությամբ, դերձակությամբ և ժամաործությամբ։ Բաղ-



մակողմանի և անշահախնդիր գործունեության համար նա արժանացել է «տիեզերալույս» կոչմանը<sup>17</sup>:

Նոր Զուղայի եկեղեցիները ձևավորվում էին հախճապակե դեկորատիվ սալիկներով, որոնցից շքեղ օրինակներ են պահպանվել դեռևս 1619 թվից: Ավետարանական սյուժեները, կապույտ, կանաչ և դեղին ջնարակով ստացված բուսական հարուստ զարդանախշերը, նվիրատվական արձանագրությունները հայ վարպետների՝ բարձր կարողությունների վկայություններն են (ընտիր օրինակներ են պահպանվել Բեթղեհեմի, սր. Աստվածածնի, սբ. Թոմայի և Ամենափրկիչ վանքի եկեղեցիներում):

Նոր Զուղայում փայտի գործի հմուտ վարպետներ կալին: Նրանք ոչ միայն լուսամուտների ու դռների փեղկերն էին ձևավորում, այլև փայտե փոքր կտորներից ճառագայթաձև վարդակներ էին պատրաստում և դրանցով ձևավորում պատշգամբների առաստաղները, եկեղեցիների դռներն ու միջնորմները (խոշա Սաֆրազի տունը, Աղանուրի տունը, մի շարք եկեղեցիներ)<sup>18</sup>: Այդ փայտե շրջանակներում երբեմն նկարազարդ փայլարներ էին տեղադրում, լուսամուտների և առաստաղի ձևավորման մի ձև, որը լայն տարածում ուներ Իրանում<sup>19</sup>: Նոր Զուղայի ամենահմուտ վարպետներից էր Հակոբջանը (?—1671), որը պալատական հյուանների ղեկավարն էր, իսլամադին Կեսարացու տպարանական գործընկերը<sup>20</sup>:

Նոր Զուղայի նկարչության և փայտի գեղարվեստական փորագրության ընտիր օրինակ է սբ. Գևորգ եկեղեցու մ պահպանված խաչը: Վարմերանգ փայտը նուրբ փորագրված է, իսկ վրան ավետարանական 24 տեսարաններ են նկարված (Ավետում, Ծնունդ, Մկրտություն, Խաչելություն, Խաչից փռեցում, Հարություն, Համբարձում, Ղազարոսի հարությունը, Հիսուսն ու սամարացի կիներ և այլն): Խաչը պատրաստվել է 1666 թ., խոշա Ապովի պատվերով<sup>21</sup>:

Փայտի գործի վարպետներ էին Նոր Զուղայի տպարանի առաջին գործիչները, որոնք իրենց ղեկավար իսլամադին Կեսարացու հետ ինքնուրույն, գործին անտեղյակ, տառեր փորագրեցին և առաջին գրքերը տպագրեցին<sup>22</sup>:

Նոր Զուղա այցելած եվրոպացի ճանապարհորդները հիացական տողեր են թողել տեղի բնակչության ապրելակերպի մասին<sup>23</sup>: Նրանց հիացրել են կրոնավորների ջգերթային տարազները, խոշալական տներում տեղի ունեցած հյուրասիրությունների ժամանակ սեղաններին դրված սպասքը, դահլիճների կահավորումները և այլն: Առաս-

տաղից ջղթաներով կախված պղնձյա և երկաթյա լամպերով ու լուսամփոփներով էին տոնական օրերին լուսավորում սենյակները: 1646 թ. պատրաստված ընտիր կանթեզ կա. Ամենափրկիչ վանքի թանգարանում, որը դրվագված է ավետարանական տեսարաններով: Կենցաղում ընդունված էր պղնձյա ամանեղենը, այդ թվում՝ սկուտեղները, որոնք տարբեր ուտելիքների ու մանր սպասքների համար էին (պղնձե թասի մի օրինակ պահպանվել է էջմիածնի վանքի հին վեհարանում, Մետաղ №408): Հախճապակե իրերը, հատկապես կանաչ ջնարակով ձևավորված ամանեղենը, նորջուղայեցիները բերում էին Զինաստանից, իսկ արծաթյա և փայտե ամանները տեղական արտադրանք էին:

Նոր Ջուղայում զարգացած էր ոսկերչությունը, որի տեխնոլոգիան հնուց եկած ավանդներ ունեւ: Նոր Ջուղայի ոսկերիչները ևս իրերը պատրաստում էին այնպես, ինչպես նույն այդ գործը կատարվում էր Հայաստանի այլ վայրերում և հին Ջուղայում:

Գինու արծաթե ոսկեզօծ մի փարչ պահպանվել է Հ. Քյուրտյանի հավաքածուում<sup>24</sup>: Արծաթից մասնատուփեր էին պատրաստում, վրան ոսկեթել ասեղնագործ սյուսետային տեսարաններ էին ամրացնում: Օրինակ, Հովհաննես Մկրտչի գլխատման արեւելականացված տարբեքակը Ամենափրկիչ վանքի թանգարանի մասնատուփի վրա<sup>25</sup>: Հայտնի էին Նոր Ջուղայի ձեռագրերի կազմերը: Գաղթավայրերից Կաֆան (Ղրիմ), Կ. Պոլիսը և Նոր Ջուղան հայտնի էին իրենց կազմերի արվեստով<sup>26</sup>: Ամենափրկիչ վանքի թանգարանում պահպանվում է դեռևս 1619 թ. պատրաստված ավետարանի մի կազմ, իսկ խաչելության տեսարանով մեկ այլ կազմ՝ 1648 թվի է: Արծաթյա երկու կազմ պահպանվել են էջմիածնի վանքի Գանձատանը, ունի պարզունակ նկարչություն և խոշա Թումենց Գրիգորի պատրաստածն է (1768 թ., Մետաղ №№ 280, 281): Նորջուղայեցիները տղամարդկանց արծաթյա գոտիներ ու կանացի բազմաթիվ զարդեր էին պատրաստում: Նշանավոր էին տեղական սկիհները (պարզ մի օրինակ՝ Ամենափրկիչ վանքի թանգարանում):

Նոր Ջուղայի եկեղեցիներն այնքան հարուստ էին թանկարժեք սպասքով, որ 1720 թ., ժողովրդի չքավորության պատճառով, եկեղեցիները պարտավորվում են ձգարծաթի զարդա եկեղեցյացն տալ ՚ի վճար անիրաւ հարկին»: Հարկ են տալիս. ճբուրվառ, փոքր ու մեծ խաչեր, սաղավարտի խաչեր, արծաթե սաղավարտներ, կանթեզ, տապանակ, սկիհ, մաղզման, ըսկու ավազան, ձեռնախաչ, պատվանդան, խաչերի խնձորներ, քրոց, ճաճանչ, մեռոնաման, արծաթով բռնած սաղավարտ,



սկիհի պատվանդան, քամար, ավետարանի կոստղ, վակաս, ավետարանի գաշա, խաչի պատվանդան, քսուր արծաթեղեն հեննց»<sup>27</sup> (մոտ 16,5 լիտր և կես չարեք: Մոտ 100 կգ արծաթեղեն ու ոսկեղեն): Նոր Զուղայում տոնական այնպիսի մեծ խաչեր էին պատրաստում, որ թափորի ժամանակ դրանք մի քանի մարդ էր տանում: Խոշա Նաղարի տան հյուրասիրության ժամանակ (1628 թ. ապրիլի 15) ռաժականներն ու գավաթներն ամբողջովին ոսկուց էին, իսկ վարդաշրերի սրվակներն ու Շիրադի գինիների բաժակները՝ ապակուց»<sup>28</sup>: Նոր Զուղայի գերեզմանատանը պահպանվել են ոսկերիչների տապանաքարեր, որոնց արձանագրություններից հայտնի են դառնում մի քանի վարպետների անուններ. Հայրապետ (մահ. 1647 թ.), Մեղքում (մահ. 1650 թ.), Դովլաթիարը (մահ. 1651 թ.), Սահակը (մահ. 1673 թ.), Ալավերդի (մահ. 1691 թ.), Ավետիքը (մահ. 1694 թ.), սրա հայրը՝ Զաքարը (մահ. 1695 թ.) և այլն: Ուշագրավ է, որ նույն գերեզմանատանը թաղված է եվրոպացի ոսկերիչ Լուի Ռոբերտը (մահ. 1673 թ.): Կան նաև արխավային փաստաթղթերում պահպանված ընծայագրեր. Աղաշանի որդի Պաշատուրի (1642թ.), Կոստանդի (1704 թ.) և այլն<sup>29</sup>:

Նորջուղայեցիների արհեստներում առաջնակարգ տեղերից մեկը գրավում էր գործվածքների արտադրությունը: Նրանք գործում էին ամենապարզ բամբակյա կտորներից մինչև ամենարարդ ու ամենսթանկ հյուսվածքները<sup>30</sup>: Գողթն գավառում, այդ թվում նաև հին Զուգայում գոյություն ունեցող ոստայանակի աշխատանքի մասին պատկերավոր տողեր է թողել Մատթեոս Զուղայեցին (XIV դ. վերջ—XV դ. սկիզբ) իր «Քննութիւն գործոց առաքելոց» գրքում: Ահա այն. «Ոստայանակ, ցորժամ ոստան հենէ, նախ չափէ ղմի թելն և ապա հենէ. և ի գործելն՝ ոտիւքն և ձեռքք վճարէ. և զինչ գործէ՝ ծրարէ ի վերայ սալմնաին ոչ գիտելով, թե զինչ գործեաց՝ մինչև վճարէ. և ի վճարելն հատանէ, և ապա դարձեալ յետ տա ի սալմնէն, և կրկին չափէ, և տեսանէ գգործն. թէ բարի է՝ փառաւորի ի տեսանելն զնա, և թէ գարշէ՝ տրտոի. և ի ծախելն կրկին փառաւորի՝ զգինս առնելով աշխատանաց իւրոց»<sup>31</sup>:

Նոր Զուղա այցելած ճանապարհորդները նկարագրում են խնջուքի սեղանների ոսկեթել ու արծաթաթել ծածկոցները, մետաքսե ու թավիշե բարձերը, վարագույրները, որոնք շլացնում էին իրենց փափկությամբ, նրբությամբ ու շքեղությամբ:

Կարևորագույն կտորներից էին. դիպակը՝ մետաքսաթել, արծաթաթել ու ոսկեթել ամենանուրբ կտորը, ալտաբասը, աքսամիրը,

ասպրան, թավիշը, բեյբերակը, բյազը, գուլը, չիթը, գաբան, դոբանգը, զարբաֆը, զենդենը, ղուֆը, խոզը, քամքան, գենժեն, կինդյակը, քիսեյան, միակալը, շիդը, սիֆթենգին, տաֆտան, օբյաբը և այլն: Կոնստան Զուղայեցին, իր առևտրական գործի ուսուցման «դասագրքերում» տեղավորած խնդիրների համար օգտագործում է «ատլաս, զառբաֆ, խարայ, մուխիյար» և այլ կտորների անուններ<sup>32</sup>: Ամենարարդ գործվածքներից էր քիմխա կամ նաշիճ կոչված թանկարժեք կտորը: «...զի զվարազ ոսկին ի վերայ մորթյոյ կանցնեն և մանր թել կտրեն, ե այնպէս հնարեն ի գործելն, որ այն բարակ թելին ոսկին երեսն ի վեր լինի. և վասն այսորիկ դժուար է այս գործ քան զամենայն ինչ...» — գրում է Մատթեոս Զուղայեցին<sup>33</sup>: Կտորների այսօրինակ հարստությունը պայմանավորված էր Իրանի և, հատկապես նրա նոր մայրաքաղաք Սպահանի արհեստավորական հետաքրքրություններից: Այս կտորների փափկությունը, ձևավորման հարստությունը, զարգանախշերի բազմազանությունը և գունային հնչեղությունը հիմք էր դարձել համաշխարհային շուկայում նրանց ունեցած մեծ համարմանը: Պատահական չէ, որ երբ XVII դ. վերջում և XVIII դարի սկզբին Ռուսաստանում սկսեցին խրախուսել մետաքսագործական ֆաբրիկաների՝ հիմնադրումը՝ առաջիններից էին նորջուղայեցիներ Իգնատ Շերիմանը, Ստեփան Խալդարովը, Ղուկաս Շիրվանովը, Վասիլի Խաստատովը: Ռուսական մետաքսագործության բարձրագույն արտահայտություններից էր Մոսկվայի մոտ գտնվող Ֆրյանովո գյուղի լազարյանների ֆաբրիկան, որի համար նրանք օգտագործում էին Իրանի (նաև՝ Նոր Զուղայի) մետաքսագործության փորձը, մասնագետներին, կատարելագործելով այն, հարմարեցնում էին տեղական ճաշակին:

Ճանապարհորդների հիշատակություններում տեսնում ենք «հրեկական գունազեղ սփռոցներ» անվանումը, որը վերաբերում է դաջե սփռոցներին:

Նոր Զուղայի դաջազարդ կտորների նմուշներ պահպանվել են որպես՝ ձեռագրերի կազմերի աստառներ: Նոր Զուղայից չիթը, միտկալը կամ քաթանը ուղարկվում էր Հնդկաստան, որտեղ դրանք հատուկ մըշակման էին ենթարկվում, ապա ետ էին բերվում և կաղապարների միջոցով ձևավորվում էին տեղական վառպետների կողմից<sup>34</sup>: Մի քանի վարագույրներ ու դարի մի ընտիր շապիկ է պահպանվել Վիկտորիայի և Ալբերտի թանգարանում<sup>35</sup>, իսկ XVIII դ. վերջում պատրաստ-



ված մի գրականի ծածկոց՝ էջմիածնի Մայր տաճարի թանգարանում (Գործվածք N 609):

Նոր Զուգան դերձակներ ուներ, որոնք բնակչության հագուստներն էին կարում: Նորջուղայեցիների տարազը սկզբնական շրջանում պահպանեց իր նախկին տեսքը, իսկ ժամանակի ընթացքում ներմուծեց պարսկականից թելադրված ազդեցություններ: Ծանապարհորդների վկայությամբ հայ կանայք տարբերվում էին պարսկուհիներից ոչ միայն նրանով, որ փողոց էին դուրս գալիս երեսը բաց, այլև իրենց ճոխ հագուստներով: Կանայք վերևից թակալա էին հագնում, որի մեջքն ու գոգը բաց էր, գլխին մի քանի փաթեթ էին կրում, վրան՝ կոտ, կապում էին քթկալ, «արկանեն զլանջածածկոցն որ մանգիլ կոչի», իսկ ամռանը գլուխը ծածկում էին թոռով կամ շղարշով<sup>36</sup>: Արդուզարդի մեջ օգտագործում էին թանկարժեք քարեր ու գաղտիկուռ: Գլխակապի տակ կապում էին երկշար ոսկե դրամներ, իսկ հարգարանքի մյուս կտորների վրա ամրացնում էին արծաթե կամ ոսկու վարակներ: Հագուստների մեջ նախասիրությունը տալիս էին ոսկեթել սատինին կամ թավիշին, ընտրելով կարմիր և դեղին գույները: Կանայք բաց կանաչ էին սիրում, իսկ տղամարդիկ նախընտրում էին մուգ կանաչը: Գոտիները լայն էին, արծաթաթել, տարբեր տեսակի քարերով ընդելուզված ճարմանդներով: Ուլունքները մարջանից էին կամ ոսկե դրամներից: Կրում էին ոսկե մատանիներ և ապարանջաններ<sup>37</sup>: Նորջուղայեցիների տարազների մասին պատկերացումներ ենք կազմում մի շարք տներում պահպանված գեղանկարչական աշխատանքներից. խոջա Սուլթանը, նորջուղայեցի ամուսինները (Ա. Տեր-Բարսեղյանի տունը), Գերաք աղան, Մինասի նկարած Ոսկան և Հակոբջան Վելիջանյանները (Ամենափրկիչ վանքի թանգարան)՝ դերեղմանսքերի հարթաքանդակներից և այլն<sup>38</sup>:

Նոր Զուգայում գործված կտորներից կարում էին նաև հոգևորականների տոնակառ զգեստներ. շուրջառ, խույր, վակաս, բազպան, հմիփորոն և այլն: Նորջուղայեցի կանայք հայտնի էին իրենց ասեղնագործությամբ: Այնքան նշանավոր էին նրանց աշխատանքները, որ դրանք անվանվում էին «արմանի բաֆի»՝ հայի կար: Երբեմն հագուստները ասեղնագործվում էին նաև մարգարիտներով, ընդելուզվում թանկարժեք քարերով<sup>39</sup>: Եկեղեցական մի շարք հագուստներ պահպանվել են Նոր Զուգայի Ամենափրկիչ վանքի, թանգարանում, ինչպես նաև

էջմիածնի վանքի թանգարաններում. խոշա Դավթի և նրա որդի Գրիգորի նվիրաբերված, գույնղգույն կիսաթանկարժեք քարերով ընդելուզված կերպասյա խույրը (1653 թ., Գործվածք № 333), շուրջառի խաչը (1626 թ., Գործվածք № 176), ասեղնագործ վակաները (1691 թ., 1679 թ., Գործվածք №№ 118 և 44) շուրջառի հատվածը (1610 թ., Գործվածք № 81), խաչելության տեսարանով կերպասյա շքեղ շուրջառը (XVII դ., Գործվածք № 78) և այլն:

Հայտնի էին Նոր Զուղայի գորգերը, որոնց մեջ կային նաև ասեղնագործ օրինակներ: Կոստան Զուղայեցին իր խնդիրների մեջ օգտագործում է ասեղնագործ գորգի համար կտոր գնելու օրինակ<sup>40</sup>: Նոր Զուղայում պատրաստված ասեղնագործ գորգի մի ընտիր օրինակ պահպանվել է էջմիածնի վանքում: Գորգի կենտրոնում ասեղնագործված է Պետրոս I-ի դիմանկարը, իսկ վերևում, հրեշտակների բռնած ժապավենի վրա ասեղնագործված է «Որբ ենք» բառը (XVIII դ. սկիզբ, Գործվածք № 6):

Լայն համարում ունեին թանկարժեք քարեր մշակողները: Թանկարժեք քարերը Նոր Զուղա էին բերվում ինչպես Իրանի տարբեր շրջաններից, նույնպես և Հնդկաստանից ու արաբական երկրներից: Նոր Զուղայում կային թանկարժեք ու կիսաթանկարժեք քարերի հրեղ-կողներ, ոսկեթերթեր դրվագողներ ու դաջողներ (բասմա) և հարակից մասնագիտության տեր մարդիկ:

Ինչպես տեսնում ենք նորջուղայեցիները աշխատասեր մարդիկ էին: Արհեստները նրանց համար ոչ միայն ապրուստի միջոց էին, այլև գոյության պահպանման միջոց: Արհեստները նրանց գեղարվեստական մտածողության բարձր արտահայտություններն էին:

Նոր Զուղայի արհեստները սերտորեն շաղկապված էին տեղի բնակչության կենցաղին, նիստուկացին, սովորություններին: Այդ արհեստները շարունակում էին ինչպես հայկական միջնադարյան արվեստների ու արհեստների ավանդները, նույնպես և հին Զուղայում հիմնավորվածը:

Նոր Զուղայի արհեստները ոչ միայն տվյալ գաղթավայրի աղգագրության և կիրառական արվեստի արտահայտություններն են, այլև XVIII դ. հայ ժողովրդի մշակույթի կարևոր օղակներից:



# РЕМЕСЛА НОВОЙ ДЖУЛЬФЫ

## Резюме

Общественно-культурная жизнь Новой Джуги XVII века неоднократно являлась источником научных исследований. Однако вопрос ремесел Новой Джуги впервые исследуется в данной статье, как отдельная и важная область общественно-культурной жизни армянской колонии.

Население Новой Джуги было разделено на сословия, где особое место занимали ремесленники. Историко-литературные источники, а также сохранившиеся образцы ремесленного и декоративно-прикладного искусства (Алмазный трон, надгробные плиты, росписи домов и церквей, изделия из меди, камня, произведения ювелирного искусства, набойки и т. д. из музеев Лондона, Москвы, Еревана, Новой Джуги) дают возможность восстановить систему ремесел армянской колонии в пригороде столицы Ирана-Исфагана.

Ремесленное производство Новой Джуги находилось в тесном взаимоотношении как с укладом жизни новоджугинцев, так и с устоями иранских ремесел. Одновременно оно своими корнями опиралось на традиции средневековых ремесел Армении.

1 Հ. Տեր-Հովհաննյանց, Պատմություն Նոր Զուղայու որ յԱսպահան, հ. II, Նոր Զուղա, 1881, էջ 278:

2 Իրանի էսնաֆուժյունների մասին հետաքրքիր տեղեկություններ է պարունակում 1837 թ. ապրիլի 2-ին Գ. Շերմազանյանի պատասխան-նամակը Գ. Ախվերդյանին: Վ. Արամյան, Հայ համալսարանները Անդրկովկասի քաղաքներում: Եր., 1971, էջ 212—216:

3 Հ. Տեր-Հովհաննյանց, նշված աշխ., հ. I, Նոր Զուղա, 1880, էջ 80:

4 Հ. Տեր-Հովհաննյանց, նշված աշխ., հ. II, էջ 286:

5 Հ. Տեր-Հովհաննյանց, նշված աշխ., հ. 1, էջ 184:

6 Ամստերդամ, 1711, էջ 341—342:

7 Խաթիբ Առաքելյան, Քաղաքները և արհեստները Հայաստանում IX—XIII դդ. հ. 1, Երևան, 1958, հ. 2, Երևան, 1964:

8 А. Б. Геворкян. Искусство копирования армянских миниатюр на памятниках Крыма, Новой Джульфы и Константинополя (XVII в.). Автореферат, Ереван, 1972, с. 8—12.

- 9 Ջաֆարիա Սարկավազ, Պատմագրություն, հ. II, Վաղարշապատ, 1870, էջ 69, Խաչատուր Զովայեցի, Պատմություն Պարսից, Վաղարշապատ, 1905, էջ 117, Մանր ժամանակագրություններ. XIII—XVIII դդ. հ. I, կազմեց Վ. Հակոբյանը, Երևան, 1951, էջ 302—303, Աշոտ Հովհաննիսյան, Դրվագներ հայ ազատագրական մարզի պատմությունից, գիրք II, Երևան, 1959, էջ 694:
- 10 Լուսավորչական եկեղեցու յոթ խորհուրդները պատկերող սանդղագործ մի վարպետը (XVII դ. հավանաբար Նոր Զուլայում գործված) պահպանվում է Հայաստանի պետական պատմության թանգարանում:
- 11 Հ. Տեր-Հովհանյանց, նշված աշխ., հ. I, էջ 80:
- 12 Նոր Զուլայի գերեզմանատան շիրմաքարերի վերականգնված ընդօրինակումներ է արել սպահանարնակ նկարիչ Արրահամ Դուրզենյանը, որի աշխատանքներից մի քանիսի լուսանկարները տեղադրում ենք ներկա ժողովածուում:
- 13 Karapet Karapetian, Isfahan, New Julfa. The Houses of the Armenians. I Roma, 1974, fig. 169, 179:
- 14 Խաչատուր Զովայեցի, նշված աշխ., էջ 142:
- 15 Տե՛ս Մանյա Վազարյան, Հայ կերպարվեստը XVII—XVIII դարերում, Երևան, 1974, էջ 25—32:
- 16 Առաֆել Դավրիժեցի, Պատմութիւն, Վաղարշապատ, 1896, էջ 413:
- 17 Խաչատուր Զովայեցի, նշված աշխ., էջ 209—210:
- 18 Karapet Karapetian, Նշված աշխ., fig. 295, 316, John Garswell, New Julfa Oxford, 1968, p. 68, 69, 70, 71 b.
- 19 Նոր Զուլայից Մոսկվա գնացած նկարիչ Բոգդան Սալթանովին այսպիսի լուսամուտներ պատրաստելու հանձնարարություն է արվում, փոքրիկ Պետրոս Ալեքսեևիչ Թագաժառանգի սենյակի լուսամուտները ձևավորելու. ներսից դուրս ամեն ինչ երևա, իսկ դրսից ներս չերևա:
- 20 Հովհ. Արթինյան, Նոր Զուլայում հայերում առևտուրը ժէ դարում, — Անահիտ, Փարիզ, 1908, № 4, էջ 31—36. Զաքարիա Ազուլեցու օրագրությունը, Երևան, 1938. էջ 1303. А. И. Успенский, Царские иконописцы и живописцы XVII века. Словарь. М., 1910, с. 238.
- 21 Հ. Տեր-Հովհանյանց, նշված աշխ., հ. I, էջ 182—190:
- 22 Ռ. Իշխանյան, Հայ գրքի պատմություն, հ. I, Երևան, 1977, էջ 353:
- 23 Какаш и Тектандер, Путешествие в Персию через Московию. 1601—1603 гг. М., 1896; Адам Олеарий, Подробное описание путешествия голштинского посольства в Московию и Персию в 1633, 1636 и 1639 годах. М., 1870; Adam Olearii, Ausführliche Beschreibung der Kundbaren Rayss nach Moscov und Persien, .. Schleswig, 1645; Pere Raphael du Mans, Estat de la Perse en 1660 .., Paris. 1890; Tournefort Pitton de, Relation d'un Voyage du Levant, Paris, T. II, 1718; Doulier Desland Andre, Les Beauter de la Perse on la Description de ce qui de plus curieux dans ce royaum... . Paris, 1673; Chardin Jean de, Voyages du Cnevalier Chardin en Perse et autres Lieux de l'Orient. Paris, 1811; A Chronicle of the Carmelltes in Persia and the Papel mission of the XVII and XVIII centuries, vol. I, London, 1939.



- 24 Ն. Կյուրտյան. Ակնարկ մը հին հայ արծաթագործության վրա. — Գեղունի, Վենետիկ, 1950, հորեյանական համար, էջ 77:
- 25 John Carswell, նշված աշխ., էջ 83:
- 26 Ն. Մեր-Վեդյան, Մատենադարանի արծաթյա ձեռագրակաղմերը մասին. — էջմիածին, 1961, ժթ, էջ 50:
- 27 Սերիկ Դավթյան, Դրվադներ հայկական միջնադարյան կիրառական արվեստի պատմության, Երևան, 1931, էջ 135—136:
- 28 Herbert Sir Thomas, Travel in Persia, New York, 1929, p. 121—122. Նոր Զոլայի հայ ապակեգործները միջո աշխատել են պարսկական արքունիքում. 1816 թ. վարպետներից էին Բաբել Ջալալյանը, Մանուկ Խաչիկյանը, Դեհր-սի Դիոնիսյանը, իսկ Հարություն Տեր-Խալատրյանը, ճճարտարապետ էր նույն ապակեգործացաւ: 2. Տեր-Հովնաթյանց, նշված աշխ., հ. I, էջ 402:
- 29 Լ. Միլասյան, Ոսկերչությունը նոր Զոլայում, Նոր Զոլա, 1983, էջ 32, 73, 82, 99, 102, 117:
- 30 Ա. Օլեարիուսը գրում է, որ Սպահանի շրջակայքում 1460 ավան և գյուղ կա, որոնց բնակիչները հիմնականում շուրհակագործությամբ են զբաղվում: Հայտնի է, որ այդ բնակչության մեջ հայերը զգալի թիվ էին կազմում: Адам О л е а р и н. նշված աշխ., էջ 733:
- 31 Լ. Խաչիկյան, Մաաթնու Զուլայեցու կյանքն ու մատենագրությունը. — Բանբեր Մատենադարանի, 1956, № 3, էջ 78:
- 32 Կոստանդ Զուլայեցի, Ցաղագս վաճառականութեան, ժ՛ղ դար: Մատենադարան, ձեռ. № 5994: Նույնի, Ժողովածու, 1687, Նոր Զուլա, Մատենադարան, ձեռ. № 8443:
- 33 Լ. Խաչիկյան, նշված աշխ., էջ 78:
- 34 Յ. Р. Тараиян, Набошка в Арменин, Ереван, 1978. 1677 թ. հայ վաճառական Դոմինիկ Ալիայի նախաձեռնությամբ Ցրանսիայում բացվում է դաշի արվեստանոց, իսկ 1699 թ. անգլիացիները դիմում են Նոր Զուլայի հայերին, տեղական զարդանախշերով չթի կտորներ պատրաստելու աշխարհով, որի մեծ պահանջը կար Անգլիայում: Նույն տեղում, էջ 47—48:
- 35 Victoria and Albert Museum, Brief Guide to oriental Painted, Layed and Printed Textiles, London, 1950, p. 7, 20; Raymond Koechlin, Gaston Migeon, Art musulman cent planches en couleurs ceramiques, tissus, tapis, miniatures, Paris (1956).
- 36 Ն. Տեր-Հովնաթյանց. նշված աշխ., հ. II, էջ 289:
- 37 Cornelis de Bruyn, Travels into Moscovy, Persia and part of the East Indies..., London, 1737, p. 227:
- 38 Հայ կին: Հայկական տարազ: Ուսումնասիրություն և նկարները Առաքել Պատրիկի, Երևան, 1983, տախտակ 77:
- 39 Հետազայում ասեղնագործության հայտնի կենտրոն էր Նոր Զուլայի սբ. Կատարինե կուսանոցը: Սերիկ Դավթյան, Հայկական ասեղնագործություն, Երևան, 1972, էջ 34:
- 40 Կոստանդ Զուլայեցի, ձեռ. 5994: